

Jirro Maqaar 'Impetigo'

Taariikhda:

Gacaliye Waalid ama Wakiil,

Ilmahaagu wuxuu la kulmay jirrada maqaarka **Impetigo** intuu joogay xanaanada ilmaha.

Waa maxay impetigo?

Impetigo waa jirro maqaar oo la is-qaadsiyom oo ay keento bakteeriya. Waxay caan ku tahay ilmaha yaryar waxana lagu magacaabaa "staph" ama "strep". Waxay marmar daba-socotaa hargabka iyo jirrooyinka neefsiga.

Waa maxay calaamadaha impetigo?

Impetigo waxay u soo baxdo sida finan yaryar oo guduuda, dheecaan iyo qolof casuus ah leh. Waxa badi lagu arkaa wejiga laakiin meelo kale oo jidhka ahna waa ka muuqan karaan.

Intee ayey gaadhsiisan tahay ba'naanta impetigo?

Impetigo waa ba'naan kartaa bilaa daawo, markaas la xidhiidh takhtarkaaga wixii calaamooyin ah ee impetigo. Si nadir ah ayey impetigo u noqoto hirro ba'an.

Siduu qofku u qaadi karaa canbaar impetigo?

Baakteeriyada keenta impetigo waxay ku jirtaa nabarada iyo duufka sanko qofka qaba jirrada. Qof wuxuu ka qaadi karaa impetigo taabasho toosa qofka qaba impetigo, ama taabshada wax ay taabatay baakteeriyadu. Mar mar baakteeriyadu sanko ayey saamaysaa dabeedna waxay ku faaftaa jidhka kale marka la xoqo. Mararka kalena baakteeriyadu waxay gashaa maqaarka, sida meel dilaacday, xoqan ama qaniinyo cayayaan.

Intee in le'eg ayey ku qaadataa inuu qofku qaado impetigo kadib marka uu qofka la kulmo?

Nabaradu waxay muuqdaa 1-10 maalmood kadib la kulanka bakteeriyada.

Goorma ayaa qofka qaba impetigo uu cid qaadsiin karaa?

Qofa qaba impetigo waa laga qaadi karaa ilaa lagu daweyo antibaayootik 24 saac, ama ilaa nabaradu ay baaba'yaan.

Sideen u gargaari karaa kahortaga faafitaanka impetigo?

- Gacmaha si fiican u dhaq oo ku dhaq saabuun iyo biyo, gaar ahaan kadib markad taabato nabarada ama sanko iska sifeyso.
- Dabool hindhisada iyo qufaca oo ku rid xaashida xashiishka.
- Nadiifi, dhaqdhaq, oo jeermiska ka sifee alaabta caruurtu ku ciyaarto ee xanaanada ilmaha.
- Iska-jir wadaaga dharka, tuwaalada, goosha, ama go'yaasha.
- Bedelida dharka (gaar ahaan dharka hoose iyo kuwa hurdada) iyo gogosha qofka qaba gooryaanka.
- Ku dabool baandhayj ama maro meelaha jirran muddada xanaanada ilmaha la joogo.
- Ciddiyaha gaabi (ku jar guriga) si ay u yaraan faafitaanka jirradu.
- Saabuun iyo biyo ku sifee meelaha dilaaca ama xogma.
- Si joogta ugu qubayso saabuun iyo biyo.

Maxay tahay daawada impetigo?

Impetigo waxa lagu daweyaa tuujiska antibaayootik ama antibaayootik afka laga qaato.

Haddii ilmahaagu qaado impetigo, inuu ka joogo miyaa xanaanada ilmaha?

Haa, ilaa daawadu antibaayootiga uu qaadanyo ugu yaraan 24 saac.

